



Lars Poulsen
Inatsisartunut ilaasortaq, Siumut

09-01-2023
Sagsnr. 2023 - 681

§ 37 naapertorlugu apeqqutip nr. 004/2023-p akineqarnera

Asasara Lars Poulsen

P. O. box 1601
3900 Nuuk
Tel. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutitut tullinnguuttumi issuarneqartunut akissuteqartinneqartunullu qujapput.

1. Puisip amii piniartunut suut ameerutaappat?

Akissut:

Naalakkersuisut ilisimatitsissutigisinnaavaat puisit amiinik tunitsiviit natserit amiinik aamma aataat amiinik pisisarmata.

2. Puiseqatigiaat assigiinngitsut amii akitigut assigiinngitsunik akilersorneqarpat?

Akissut:

Naalakkersuisut ilisimatitsissutigisinnaavaat puisit amiisa akii assigiinngiaartuusut puisit suut aamma ammit angissusii apeqqutaallutik.

a. Qanoq akilersorneqarpat?

Akissut:

Naalakkersuisut ilisimatitsissutigisinnaavaat aataat amiisa akiat 408 kr.-iummat, natserillu amiisa akiat 281 kr.-iulluni amernut 70 cm-init minnerusunut, 306 kr.-iullunilu amernut 70 cm-init annerusunut.

3. Puisseqatigiit amiini sorleq ameerniarnermi piniartunit tunineqarnerpaajua?

Akissut:

Naalakkersuisut ilisimatitsissutigisinnaavaat kisitsisit ukiunit 2021 aamma 2022-imeersut isiginiaraanni aataat amii amerlanerusut pisiarineqartartut.

4. Avammut tunisinermi puisseqatigiit amiini sorleq tunineqarnerpaajua?

Akissut:

Naalakkersuisut ilisimatitsissutigisinnaavaat nalinginnaasumik pissutsit imaammata puisit amii pisiarineqarnerusartut aamma avammut niuerutigineqarnerusarmata.

5. Piniartut ameerniarneranni akinik qaffaanissaq pilersaarutaava?

Akissut:

Naalakkersuisut paasissutissiissutigisinnaavaat akit allannguutissaat isumaqatigiinniutigineqartarmata Naalakkersuisoqarfimmit sulianut akisussaasuusumiit, KNAPK-mit kiisalu Kalaallit Nunaata Ammerivianiit ukiumut tunitsiviusussamut tulluuttumut atuuttussanik. Taamaakkaluartorli aamma periarfissaavoq Naalakkersuisup nammineq akinik qaffaasinnaanera, tamannalu ukiup kingulliup siuliani pisimavoq amermut ataatsimut 10 kr.-it angullugit annertussusilimmik.

Ataatsimut amernik pisiniartarnermut atatillugu kiffartuussinermut isumaqatigiissut 26.336.000 kr.-inik annertussuseqarpoq, inuussutissarsiutigalugu piniartunut amernik pisanut tapiissutissat tunngaviusut 11.765.634 kr.-inik annertussuseqarlutik.

Puisit amiinik pisisarnermut akiusut qaffaateqassagaluarpata tamanna pillugu Naalakkersuisut paasissutissiissapput.

a. Taamaassimappat ammit sorliit qaffaavigineqassappat?

Akissut:

Apeqqummut 5-imut akissut innersuunneqassaaq.

Inussiarnersumik inuulluaqqusillunga



Vivian Motzfeldt